



I. PRINCIPADO DE ASTURIAS

• OTRAS DISPOSICIONES

CONSEYERÍA D'EDUCACIÓN Y CULTURA

RESOLUCIÓN de 12 d'avientu de 2018, de la Conseyería d'Educación y Cultura, pola que se concede'l premiu «Máximo Fuertes Acevedo» d'ensayu en llingua asturiana, na so ventésima cuarta edición.

Fechos

Primero.—Por Resolución d'esta Conseyería de fecha de 5 de marzu del 2009 (BOPA del 27 de marzu de 2009) aprobáronse les bases reguladores de los premios literarios n'asturianu, modificaes por Resolución de 23 de xunetu de 2015 (BOPA de 30 de xunetu de 2015). Y por Resolución de 7 de mayu del 2018 (extractu en BOPA del 23 de mayu de 2017) convocóse la ventésima cuarta edición del premiu «Máximo Fuertes Acevedo» d'ensayu en llingua asturiana con una dotación de 3.000 € (tres mil euros).

Segundo.—Con fecha de 19 de payares de 2018 el Xuráu, nomáu por Resolución de fecha 27 de setiembre de 2018, reúnese y propón la concesión del premiu «Máximo Fuertes Acevedo», na so ventésima cuarta edición, a favor de la obra Asturploitation, de Damián Barreiro Maceiras, presentada baxo'l seudónimu «Muxidora Brown», según motivación que consta n'acta: «Destaca la relevancia social del tema tratáu y la propuesta estratéxica que fai pal impulsu del sector audiovisual en llingua asturiana, documentada con minuciosidá y rigor».

Tercero.—Damián Barreiro Maceiras acreditó nun tar incursu nes prohibiciones pa obtener la condición de beneficiariu y atopase al corriente de les obligaciones tributaries y cola Seguridá Social, amás de nun ser deudor de la Facienda del Principáu d'Asturies por deudes vencíes, líquides y esixibles primero de dictase la propuesta de resolución de concesión del premiu, d'alcuertu colu previsto nos arts. 13 y 14 e) de la Llei 38/2003, de 17 de payares, Xeneral de Subvenciones.

Cuarto.—La Intervención Delegada, en fecha 12-12-2018, emitió'l correspondiente informe fiscal favorable.

A los fechos son-y d'aplicación estos

Fundamentos de derechu

Primero.—L'artículo 3 del Decretu 71/92, de 29 d'ochobre, que regula'l Réxime Xeneral de Subvenciones, en rrellación col artículo 38 de la Llei 6/1984, de 5 de xunetu, del Presidente y del Conseyu de Gobiernu; y l'artículo 5 del Decretu 6/2015, de 13 d'agostu, de reestructuración de les Conseyerías qu'integren l'Alministración de la Comunidá Autónoma, en cuantes a la determinación de les competencies y facultaes del Ilmu. Sr. Conseyeru d'Educación y Cultura p'adoptar esta resolución, amás del artículo 10 de la Llei 2/1995, de 13 de marzu, sobre Réxime Xurídicu de l'Alministración del Principáu d'Asturies; too ello en cuantes a la determinación de les competencies y facultaes p'adoptar esta Resolución.

Segundo.—D'alcuertu col artículo 37 de la Llei 2/1995, de 13 de marzu, sobre Réxime Xurídicu de l'Alministración del Principáu d'Asturies y la Resolución de 2 d'ochobre de 2015, de la Conseyería d'Educación y Cultura (BOPA de 10 d'ochobre), ye competencia del titular de la Dirección Xeneral de Planificación Llingüística y Normalización l'autorización y disposición de los gastos, distintos de los contratos menores, que se financien con cargu al programa presupuestariu xestionáu pola Dirección Xeneral.

Tercero.—Sicasí, por razones d'economía procesal y simplificación de trámites, pue l'Ilmu. Sr. Conseyeru conocer d'esti espediente avocando les competencies delegaes n'aplicación del artículo 17 de la Llei 2/1995, de 13 de marzu, sobre Réxime Xurídicu de l'Alministración del Principáu, al tramitase conxuntamente toles fases del espediente de gastu.

Cuarto.—Son d'aplicación a esti procedimientu los preceptos que tienen calter básicu de la Llei 38/2003, de 17 de payares, Xeneral de Subvenciones y el so Reglamentu Xeneral aprobáu pol Real Decretu 887/2006, de 21 de xunetu, amás del Decretu 71/1992, de 29 d'ochobre, yá mentáu.

Quinto.—L'artículo 41 del Testu Refundíu del Réxime Económicu y Presupuestariu del Principáu d'Asturies, aprobáu por Decretu Llexislativu 2/1998, de 25 de xunu, al respective de la competencia que correspuende a los titulares de les conseyerías p'autorizar y disponer los gastos propios de los servicios del so cargu y de los qu'estableza la Llei de Presupuestos Xenerales de cada exerciciu o, nel so defectu, la del exerciciu anterior, hasta la cantidá afitada nesta.

Vistos los preceptos llegalos mentaos y demás d'aplicación xeneral,

RESUELVO

Primero.—Conceder el premiu «Máximo Fuertes Acevedo» d'ensayu en llingua asturiana, na so ventésima cuarta edición y correspondiente al añu 2018, a D. Damián Barreiro Maceiras, NIF 71890080S, pol trabayu tituláu Asturploitation.



El premiu tien una dotación total de 3.000 € (tres mil euros).

Segundo.—Avocar pa sí'l conocimientu de los actos delegaos, disponiendo un gastu de 3.000 € (tres mil euros) a favor del premiáu con cargu al conceptu 14.10.422R.482.062 de los Presupuestos Xenerales del Principáu d'Asturies pal 2017 prorrogaos pal 2018.

Tercero.—Reconocer la obligación y proponer y interesar el pagu al titular de la Consejería competente en materia económica y presupuestaria, que se va facer d'aluerdu a lo previsto na Base 7.^a de la Resolución de 5 de marzu de 2009, pola que s'aprueben les bases de los premios lliterarios en llingua asturiana, modificaes por Resolución de 23 de xunetu de 2015 (BOPA de 30 de xunetu de 2015).

Cuarto.—Ordénase la publicación de la Resolución en *Boletín Oficial del Principáu d'Asturies*.

Esta resolución remata la vía alministrativa y va poder recurrise potestativamente en reposición, ante'l conseyeru d'Educación y Cultura, nel plazu d'un mes computáu dende l'otru día d'espublizase en *Boletín Oficial del Principáu d'Asturies* (BOPA), o ser impugnada directamente ante la Sala de lo Contencioso-Alministrativo del Tribunal Superior de Xusticia d'Asturies, nel plazu de dos meses cuntados de magar se reciba la so notificación, ensin perxuiciu de cualquier otru recursu que-yos paeza procedente interponer en defensa de los sos intereses.

Uviéu, a 12 d'avientu de 2018.—El Conseyeru d'Educación y Cultura, Genaro Alonso Megido.—Cód. 2018-12829.